

Նրա ծածկամտութիւնից: Նա բաւական սառն կերպով պատասխանեց. «միթէ՞ չգիտես, որ հայերը սիրում են գաղթականութիւն, միթէ՞ չգիտես, որ գաղթականութիւնը մեր ազգի կեանքում մի պատմական երեւոյթ է, որ կրկնուել է ամէն դարերում եւ շարունակուում է մինչեւ այսօր: Ուրեմն, մեզ պէտք չէ՞ ուսումնասիրել գաղթականութեան պայմանները, նրա հետեւանքները, մի խօսքով, նրա բոլոր լաւ եւ վատ կողմերը: Եւ որտե՞ղ կարող ենք անելի հիմնաւոր կերպով ուսումնասիրել, եթէ ոչ այստեղ, որ գաղթականների մի ընդարձակ աշխարհ է»:

– Ես Կարօի նամակի պատասխանը գրեցի, յայտնելով գլխաւորապէս այն միտքը, թէ նա մեր երկու բարերարների՝ որսորդ Աւօյի եւ մստեր Ֆիշերի, յոյսերը արդարացրած չի լինի, եթէ չի վերադառնայ իր հայրենիքը եւ իր ստացած ուսումը իր հայրենակիցների օգտին չի ծառայեցնի եւ այլն: Ինչպէս երեւում է, իմ նամակը ազդել էր նրա վրայ: Ամիս չանցաւ, նա կրկին յայտնուեցաւ Նիւ-Եօրթում եւ իր բարեկամներին մեծ ուրախութիւն պատճառեց: Բայց նա այլեւս առաջոյ Կարօն չէր: Յաճախ տեսնում էի նրան լուռ, մտախոհ եւ վրդոված տրամադրութեան մեջ: Ի՞նչ էր պատահել նրա հետ: Այդ մասին ոչինչ չէր ասում: Ինձ թւում էր, որ նա մինչեւ անգամ աշխատում էր խոյս տալ ինձանից, եւ անելի տեսակցում էր Ռաֆայելի ու Սազօի հետ: Մի անգամ երեքն էլ եկան ինձ մօտ: Իսկոյն հասկացայ, որ մի բան կայ: Մի քանի րոպէ լուռ մնացին, յետոյ Կարօն ասաց. «մենք գնում ենք»: «ո՞ր – հարցրի ես զարմանալով: «բաւական է, որքան մնացինք այստեղ, գնում ենք մեր հայրենիքը: Ես մտածեցի, որ դրանք որքան կարող էին սովորել, սովորեցին, եւ եթէ անելի եւս մնալու լինէին, գուցէ մի ուրիշ հոսանքի մեջ կընկնէին, այդ պատճառով ես էլ բարւոք համարեցի, որ գնան: «մստեր Ֆիշերը իմանո՞ւմ է», – հարցրի ես: «իմանում էէ, – պատասխանեց Կարօն: «Իսկ դու մեզ հետ չե՞ս գալու: Ես բացատրեցի, որ ինձ անկարելի է նրանց հետ ուղեկից լինել, որովհետեւ դեռ մի տարի մնում է, մինչեւ մասնագիտութիւնս կը վերջացնէի: «Ո՞ր ճանապարհով էք գնումէ, – հարցրի ես: «այն ճանապարհով, որ բերեց մեզ այստեղէ, – պատասխանեց Կարօն խորհրդաւոր ձայնով: «Ուրեմն Յնդկաստանո՞վ, Աւղանիստանո՞վ», – կրկնեցի իմ հարցը: «Այո՛», – ասաց Կարօն:

– Այդ խօսակցութիւնից մի շաբաթ յետոյ, Նիւ-Եօրթի հիւրանոցներից մէկում ճաշ էր պատրաստուած: Սեղանի շուրջը բոլորել էին այն ընտանիքները, որ որդեգրել էին մեզ եւ որոնց բարերարութեամբ մենք ուսում ստացանք: Նրանց թւումն էր եւ մստեր Ֆիշերը: Անկարելի էր նկարագրել ազնիւ ծերունու ուրախութիւնը: Նա այնքան պէտք է ճանապարհ դներ իր սրտին